



**Les Flevrs Des Vies Des Saincts Et Des Festes De Tovte
L'Annee, Svivant L'Vsage Dv Calendrier Romain Reforme**

Augmentees des Saincts & Bien-heureux Peres lesuites, de Saint Charles Borromee, & de Saincte Françoise ; Auec le Mertyrologe Romain, pour tous les iours de l'Annee ...

**Ribadeneyra, Pedro de
Paris, 1631**

xvi La vie de ss. Lucie & Geminian mart.

[urn:nbn:de:hbz:466:1-75777](#)

cens trente Evesques: auquel Dioscore & Eutius
 16. che avec leurs sectes fureat condamnez: neant-
 moins le Concile estantacheué, comme les her-
 etiques sont violens & rebelles à Dieu & à son
 Eglise, ils murmuroient & se moquoient des
 Decrets du S. Concile, disans, qu'ils n'estoient
 fondez en la vérité Catholique, ains en l'autho-
 rité & puissance de l'Empereur. Pour raualler
 cet orgueil, & clore tout à fait la bouche aux
 heretiques, les Catholiques se cōfians en la mi-
 sericorde de nostre Seigneur, & en la protection
 de sainte Eufemie: fit este paction avec eux,
 Que les Catholiques escriroient en vn papier la
 confession de leur foy, & les heretiques la leur
 en vn autre à part, & que ces deux papiers se-
 roient mis dans la Chasse où estoit le corps de
 sainte Eufemie: & que le papier qu'elle app-
 rouuoeroit des deux, fust tenu pour véritable.
 Cela fut ainsi cōuenu & executé: on leua la pier-
 re qui estoit sur son tōbeau, & les deux papiers
 furent mis dans le sein de ceste noble Vierge &
 Martyre: le tombeau fut fermé & cacheté des
 deux parts: chacun se mit en oraison, suppliant
 nostre Seigneur Iesus-Christ de descouvrir la
 vérité: au bout de trois iours la sepulture fut ou-
 verte en la presence de l'Empereur, & le papier
 des heretiques se trouua sous les pieds de la
 Sainte, & celuy des Catholiques en sa main, la-
 quelle sainte Eufemie estendit, bailla la cōfes-
 sion Catholique à l'Empereur, & au Patriarche:
 aucuns heretiques voyans ce grand miracle!, se
 conuertirent, les autres demeurerent obstinez
 en leur perfidie. Tout cela est rapporté par Zo-
 nare & Glicias, & est aussi rapporté par Meta-
 phraste & Nicephore, encore qu'ils la racotent
 diuersemēt. Le martyre de sainte Eufemie fut
 le 16. de Septembre, sous l'Empire de Diocle-
 tian. L'Eglise celebre sa feste le mesme iour:
 tous les Martyrologes font mention de sainte
 Eufemie, Metaphraste & Laurens Surius.

LA VIE DES SAINCTS

Lucie, & Geminian, Martyrs.

LE mesme iour l'Eglise celebre le
 martyre des saints Lucie & Gemi-
 nian, qui est rapporté par Adon en
 son Martyrologe, en ceste maniere.
 Sainte Lucie estoit vne tres-hōneste matrone,
 laquelle apres le decez de son mary, vescut sain-
 ctement jusques en l'an 75. de son âge: elle auoit
 vn fils nommé Euorepe, fort vicieux & desbau-
 ché, & sur tout ennemy des Chrestiens: le diable
 eut tant de pouuoir sur ce miserable, que violat
 toutes les obligations de la nature, il accusa sa
 mere d'estre Chrestienne devant l'Empereur
 Diocletian, qui la fit mettre en prison où elle
 fut cōsolée de nostre Seigneur, le lendemain on
 l'emmena en Iustice, & l'Emperer l'ayaſt trou-
 uée constante en la confessio de nostre Seigneur
 Iesus Christ, la fit cruellement fouletter. Il s'es-
 leua soudain vn tourbillon de vent, & vn trem-
 blement de terre, qui ruina le Temple de Iupi-

ter, & le reduisit en tel estat, qu'il n'y demeura
 pierre sur pierre en tout le bastimēt. Diocletian
 irrité de cela, fit apporter vne grande marmite
 de cuire, laquelle fut remplie de poix & de
 plomb fondu, & fit jeter la sainte dedans, pour
 l'estre boüillie, mais la vertu du Tout-puissant
 la cōserua tellemēt, qu'elle demeura trois iours
 dedans ceste marmite, benissant Dieu, comme si
 elle eust été couchée en vn bon lit; depuis on
 la piloria & promena ignominieusement par la
 ville chargée de fers & de plomb: passant devant
 la porte d'un homme de qualité, nommé Gemi-
 nian, où il y auoit vne grande quantité d'idoles,
 vn pigeon plus blâc que neige descendit du ciel,
 & se posa sur la teste de Geminian, lequel esmeu-
 par ce qu'il voyoit, & illuminé de la clarté cele-
 ste, se jeta aux pieds de la sainte pour luy de-
 mander le Baptême: lequel il receut par les mains
 d'un Prestre nommé Protais, qu'un Ange adue-
 tit d'aller à la prison le baptiser. Diocletian ren-
 uoya Lucie & Geminian à un cruel luge pour
 les faire tourmenter & despêcher: mais lors
 qu'ils estoient tourmentez & battus à coups de
 baston, la chambre où estoit le luge tomba & le
 tua. Un autre luge, nommé Abolrose, luy suc-
 ceda, lequel excogita de nouveaux supplices,
 comme si les autres n'eussent été que des jeu-
 x: cela fut cause de la cōversion de 615 personnes
 qui virent les merveilles que Dieu operto en
 ses Saints, lesquels receurent tous ensemble la
 couronne du martyre: toutesfois le luge ne s'en
 vanta pas long-temps, car passant à cheval des-
 sus vn pont: il tomba dans la riuiere & se noya,
 sans que l'on peult iamais trouver son corps. En
 fin la bien-heureuse sainte Lucie & Geminian
 passerent par le fil de l'espée, par le commandement
 de Megalie, homme Consulaire, le 16. de
 Septembre, l'an de nostre Seigneur 303. Leurs
 corps furent enleuez par vne sainte femme
 nommee Maxime, qui les enterra avec beau-
 coup de reuerence & de piété.

LA VIE DE SAINCT

Ianuier, Evesque & Martyr.

Ainst Ianuier estoit Evesque de la
 ville de Benevent, qui est au Royau-
 me de Naples. Durant la persecutio
 de Diocletian & Maximin, un saint
 Confesseur nommé Sofie, fut pris: & S. Ianuier
 l'allant visiter en la prison pour le cōsoler & ex-
 horter au martyre; le President Timothee le fit
 amener devant lui, s'efforçant de le peruer tirer &
 attirer par belles paroles, à l'adoration de ses
 Dieux: toutesfois apres avoir recogneu quil
 perdoit le téps, il fit chauffer vn four trois iours
 durât, puis fit jeter dedans S. Ianuier, que Dieu
 conserua en sorte, qu'il ne receut aucun dom-
 mage, & s'en retira sans y auoir perdu vn poil de
 barbe, ny vn filet de ses habits: le tyran s'en é-
 chauffa davantage, voyant que le feu auoit par-
 donné à celuy qu'il vouloit perdre: il le fit si
 cruellement gehenner, qu'on luy disloqua tous
 les membres: il fut visité par Esse Diacre, &
 Deluc